

玉清无上靈寶自然北斗本生真經

三十六天大司命度京侍命大帝君下傳

洪惟

大道浩浩赤明元始開圖化導群有現大光明照百千界於玉清皇極宮中放種種光明

所謂金藏雲光玉藏雲光珠藏雲光海藏雲光香藏雲光花藏雲光火藏雲光五行之光周徧天下及人家上則萬二千天下則八千萬國莫不承我

元始之力一時雲集聽說无上至真妙道

元始上帝太極真身撫明雲几下觀大衆發大梵音如大天鼓震響十方天上天下一時皆讚

元始上帝與我獨語莫不歡喜誠服聽受

元始上帝乃教與我大發至真之淵淪披迷

雲之日月其時龍音雷吼駭聽動心

道曰一心玄微廣包萬景之多一心所受表裏洞然本无留礙生死去來如影如夢緣何倒置認此為真淪沒妄波不能出離方說是法時有真人從座而起虔恭百拜仰瞻威容

告真尊曰臣名寶上諸天子中最高第一今有微願望賜開私臣所願也中天七星魏魏赫奕統御群曜輪旋悉運斟酌死生威力至重以何因緣殊勝第一起自何劫始終之化願詳聞之

真尊歎曰大哉汝之問也在昔龍漢有一國王其名周御聖德无邊時人稟受八萬四千大劫王有王妃明哲慈慧號曰紫光夫人誓塵劫中已發至願願生聖子輔佐乾坤以裨造化後三千劫於此王出世因上春日百花

榮茂之時遊戲後苑至金蓮花温玉池邊脫服澡盥忽有所感蓮花九苞應時開發化生九子其二長子是為

天皇大帝紫微大帝其七幼子是為貪狼巨

門祿存文曲廉貞武曲破軍之星或善或惡

化導群情於玉池中經于七日七夜結為光明飛居中極去地九千萬里化為九大寶宮

二長帝君居紫微垣太虛宮中勾陳之位掌握符圖紀綱元化為衆星之主領也昔大願住此剛強世界七千萬劫方還玉清紫光夫

人亦號北斗九真聖德天后道身玄天大聖真后應現上天南嶽是名慶華紫光赤帝之尊若有信心男女能於上春日一心齋戒肅爾神明設九光醮迎請紫光聖母并七元君虔恭奉獻縱有多劫十惡重罪冤家苦報如

九日輪照於冰山應時消釋上至國王大臣下及民庶能奉之者感獲景既福壽增延无量天真俱來擁衛見世圓滿子孫昌盛命終之後超生大梵真天世上之士若能常誦九光真經設九光醮持紫光名智慧福壽如彼

甘泉隨汲隨發受用无盡此功德藏世間第一汝當傳布助我道風寶上真人既聞金口所宣與諸天衆莫大歡躍感謝鴻恩各起心念我等當供養真尊真尊之恩如父如母難以報稱於是各運神通就玄空中散百千萬

種光明寶藏无量光明寶香无量光明寶雲

无量光明寶雨无量光明天樂不鼓自鳴並

合節奏无量寶光明宮殿旋空而下至真

尊前而為貢獻无鞅真聖萬口一辭讚揚真梵口稱偈曰

巍巍元始專 神通居第一 世間無與比
如日照萬天 智慧廣方便 而能化有生
我等以萬身 身身俱萬舌 以讚真尊道
窮劫不能盡 仁哉紫炁天 善能變現身
男形或女形 應機而接物 歸命止極母
無盡功德海 永為盲者目 照耀於今古
功德與元始 通為內外化 陶鑄大法器
普成元量真
寶上真人與諸天眾說是偈畢一切天神敬
禮真華表辭而退

玉清无上靈寶自然北斗本生真經

卷八 十四

太乙元真保命長生經

太乙元真曰積陽為神積陰為形陰陽兩半
合成其身猶如日月麗於虛空晝夜不息各
行其分憂悲喜怒迤相攻奪生老病死因之
而有夫前識者道之子形化者道之母既知
其子須識其母母者太上之分身也子者本
心中之一也二者合同胎養形魂人能識之
可以長存故善精思者內視不瞬內聽不昧
使欲者不欲不欲者欲以陽化陰以和化心
心和蒸靜陰弱神正神正則精專精專則影
滅影滅則形忘形忘則神應神應則和同和
同則天上精光可入精光既入陽蒸獨化舉
身排空所適無礙亦如還丹入口却諸陰累
專陰致神以致不死嗟爾仙眾諸神文呪曰
三清上境太乙元真布和法化開光度人
鍊魂日宮校魄月輪 天帝總炁地官飛塵
千二百靈萬二千神合成仙宅立為真身
真身之中七政九官心光朗耀照玄明宮
明空大神和炁心真內清五藏外召五神
精思不窮開光度人 老者反壯故者還新

卷八 十五

飲食六甲 三景同春 十二吏兵 保衛爾身

日誦千遍 上朝元君 元真老君 至道獨存
保爾元命 衛爾靈根 勤叩天鼓 和形鍊魂
齋誦不忘 官見神尊 策空寫符 昇天躡雲
誦前呪訖 則注目存神 引神炁攻一切人身
中萬病立瘥 若修長生得道之法 即誦此呪
滿十萬遍 即端坐內思 更莫外緣 不經十年
自然成道 若護國
帝主保時 遣君當誦 此經冲神 保命行功 救
人陰陽 不愆風雨 調順若有 兵革水旱 當依
太乙聖真 經鑄十六 真人及太乙真像 修行
齋籙 則所向皆 勝其法 具載太乙聖真 經若
逢修真 道士 則盟壇 受之 若遇凡流 則不得
妄傳 必缺 九祖 誦罰 六親 戒之 秘之 如護 眼
目 諸仙 聞已 朝禮 依行 各還 本官 精思 妙道
藏之 金櫃 祕之 玉函 晝夜 齋誦 勿常 示人 唯
仙門 師當 依此 教

太乙元真保命長生經